



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Matvtinvm.

urn:nbn:de:hbz:466:1-12077

ECCLESIASTICI. 121

Sebonus pastor benignè
In cibum dat omnibus.

Pane carnem, corporatum
Voce Verbum conficit;
Fitque sanguis, antè vinum;
Sensus & si deficit,
Ad pium cor sublevandum
Mens fidelis sufficit.

Ecce panem consecratum:
Procidamus cernui;
Omne cedat institutum
Christiano ritui;
Det fides juvamen aptum
Sensuum defectui.

Summa summo sit Parenti
Laus & exultatio,
Filioque præpotenti
Laus, honor, dilectio,
Ex utroque prodeunti
Par sit & laudatio. Amen.

AD MATUTINUM.

DUM Christum resonant festa
perennia,
Sancto juncta fluant carmine gaudia;
In nostris nova sint omnia cordibus,
Ardor sit novus omnibus.

F

En noctis colitur cœna novissima,
 Quam Christus celebrans, abstulit
 Azyma;
 Cessit prisca novæ cœna prioribus
 Olim tradita Patribus.

Agni post solitas anniculi dapes,
 Mensæ proposuit mirificas opes,
 Secundis tribuens, se quoque singulis,
 Quod nec præsttit Angelis.

Sacrum Discipulis hoc dedit exequi,
 Quos & Presbyteris sic licet assequi,
 Ut possint propriis sumere dexteris,
 Possint & dare ceteris.

Infirmos reficit sumptio corporis,
 Mæstos exhilarat potio sanguinis:
 Carnem, Christus ait, donoque san-
 guinem,

Excludi volo neminem.

O sors! Angelici panis edulium,
 In terris hominum fit cibus omnium:
 Res miranda! Deum jam vice pabuli
 Claudi pectore servuli.

Tu, Divina Trias, summâque caritas,
 Quos dignanter alis sæpèque visitas,
 Da te perspicuo lumine cernere,
 Et cœli dape vivere. Amen.